

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine FBiH", broj: 12/03; 34/03 i 65/13), člana 5. Uredbe o vršenju ovlaštenja u privrednim društvima sa učešćem državnog kapitala iz nadležnosti Tuzlanskog kantona i općina/gradova na području Tuzlanskog kantona ("Službene novine TK", broj: 11/19), člana 6. stav 1. Odluke o uslovima i kriterijima i postupku imenovanja u regulirane organe ("Službeni glasnik Grada Srebrenik", broj: 03/19, 1/20, 9/21 i 8/25), Odluke o raspisivanju javnog oglasa za izbor i imenovanje članova Nadzornog odbora JP Vodovod i kanalizacija "SREBRENİK" d.d. Srebrenik iz reda državnog kapitala broj: 07-100/26 od 15.01.2026. godine i člana 37. Statuta Grada Srebrenika („Službeni glasnik Grada Srebrenik“, broj: 1/24), Gradonačelnik Grada Srebrenika o b j a v l j u j e :

JAVNI OGLAS

za izbor i imenovanje Nadzornog odbora JP Vodovod i kanalizacija "SREBRENİK" d.d. Srebrenik

Objavljuje se Javni oglas za izbor kandidata za imenovanje članova Nadzornog odbora JP Vodovod i kanalizacija "SREBRENİK" d.d. Srebrenik, iz reda osnivača - Grad Srebrenik, 3 (tri) člana.

Nadzorni odbor JP Vodovod i kanalizacija "SREBRENİK" d.d. Srebrenik broji 5 (pet) članova, od kojih su tri člana predstavnici državnog kapitala (predstavnici osnivača - Grad Srebrenik), a dva člana predstavnici privatnog kapitala.

Konačni izbor članova Nadzornog odbora vrši Skupština ovog Javnog preduzeća.

Izabrani Nadzorni odbor bira predsjednika iz reda svojih članova.

Mandat predsjednika i članova Nadzornog odbora je četiri godine uz mogućnost ponovnog imenovanja.

I – OPIS POZICIJE

Nadzorni odbor JP Vodovod i kanalizacija "SREBRENİK" d.d. Srebrenik nadležan je da :

- nadzire rad uprave i poslovanje preduzeća,
- priprema poslovnike i etički kodeks i predlaže ih skupštini na usvajanje,
- vrši izbor kandidata odbora za reviziju i podnosi prijedlog skupštini za njegovo imenovanje,
- razmatra provedebni propis za postupak nabavke i nadzire njegovo provođenje,
- daje mišljenje skupštini o prijedlogu uprave za raspodjelu profita i predlaže način pokrića gubitaka,
- imenuje i razrješava članove uprave u skladu sa postupcima utvrđenim u poslovniku društva te važećim propisima,
- daje ovlaštenja za aktivnosti koje su ograničene Zakonom o javnim preduzećima,
- daje upute članovima uprave za provođenje uviđaja u vezi sa uočenim nepravilnostima,
- podnosi skupštini godišnji izvještaj o poslovanju preduzeća, koji obavezno uključuje izvještaj revizora, izvještaj o radu nadzornog odbora, odbora za reviziju i plan poslovanja za narednu godinu u okviru postojećeg i revidiranog plana,
- usvaja izvještaj uprave o poslovanju po polugodišnjem i godišnjem obračunu sa bilansom stanja i bilansom uspjeha i izvještajem revizije,
- vrši i druge poslove utvrđene zakonskim propisima i Statutom preduzeća.

Predsjednik Nadzornog odbora saziva i rukovodi sjednicama Nadzornog odbora, stara se o pripremi materijala za sjednicu Nadzornog odbora i o izvršenju akata Nadzornog odbora i obaveza prema Gradu Srebreniku, te obavlja i druge poslove utvrđene zakonom, pravilima i drugim aktima preduzeća.

Član Nadzornog odbora prisustvuje sjednicama Nadzornog odbora, učestvuje u radu i donošenju odluka Nadzornog odbora, te obavlja i druge poslove utvrđene zakonom, pravilima i drugim aktima preduzeća.

Konačno izabrano lice u Nadzorni odbor ima pravo na naknadu za rad u reguliranom organu, a u skladu sa važećim propisima.

II - USLOVI ZA IMENOVANJE

Kandidati koji apliciraju za poziciju iz tačke I. ovog oglasa moraju ispunjavati sljedeće opće i posebne uslove kako slijedi:

A – OPĆI USLOVI :

1. da su državljani Bosne i Hercegovine;
2. da su stariji od 18 godina;
3. da nisu otpušteni iz državne službe kao rezultat disciplinske mjere na bilo kojem nivou u Bosni i Hercegovini u periodu od tri godine prije dana objavljivanja oglasa;
4. da se na njih na odnosi član IX. 1. Ustava Bosne i Hercegovine;
5. da nisu na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije Bosne i Hercegovine ("Službene novine FBiH", broj: 12/03; 34/03 i 65/13);
6. da nisu članovi organa zakonodavne, izvršne ili sudske vlasti ili savjetnici u smislu Zakona o sukobu interesa u organima vlasti u Federaciji Bosne i Hercegovine ("Službene novine FBiH", broj: 70/08);
7. da nemaju privatni i/ili finansijski interes u ustanovi u kojoj se kandiduju;
8. da nisu osuđivani za krivično djelo i za prekršaj nespojiv s dužnošću u nadzornom odboru, pet godina od dana pravosnažnosti presude, isključujući vrijeme zatvorske kazne;
9. da im pravosnažnom presudom suda nije zabranjeno obavljanje aktivnosti u nadležnosti nadzornog odbora.

B – POSEBNI USLOVI :

1. da imaju VSS VII stepen, odnosno završeno visoko obrazovanje prvog, drugog ili trećeg ciklusa Bolonjskog sistema studiranja (sa najmanje 180 ECTS bodova);
2. da imaju najmanje 3 (tri) godine radnog iskustva u struci nakon sticanja visoke stručne spreme;
3. da nisu dioničari društva sa 50% i više dionica, direktor i član uprave bilo kojeg dioničkog društva kao i vlasnik sa 50% i više vlasništva, direktor i član uprave bilo kojeg društva sa ograničenom odgovornošću;
4. da nisu članovi upravnog ili nadzornog odbora, odnosno odbora za reviziju nekog privrednog društva ili institucije;
5. da posjeduje certifikat o završenom usavršavanju predsjednika i članova nadzornih odbora i uprava privrednih društava sa učešćem državnog kapitala, u skladu sa Uredbom o usavršavanju predsjednika i članova nadzornih odbora i uprava privrednih društava sa učešćem državnog kapitala („Sl.novine F BiH“ br: 71/09, 33/10, 23/11, 83/11, 2/13, 80/13 i 48/15). Ukoliko izabrani kandidat ne posjeduje navedeni certifikat dužan je isti pribaviti u roku od 6 mjeseci od dana imenovanja.

III – POTREBNA DOKUMENTA

Pismena prijava sa kraćom biografijom kandidata treba da sadrži adresu stana, kontakt telefon, te dokaze koji se prilažu uz prijavu na javni oglas u originalu ili ovjerenoj fotokopiji i to:

- uvjerenje o državljanstvu (ne starije od 6 mjeseci),
- izvod iz matične knjige rođenih,
- dokaz o školskoj spremi,
- dokaz o radnom iskustvu,
- uvjerenje nadležnog organa o učešću u OS BiH u ratu 1992-1995. godina,

- dokaz nadležnog organa, ne stariji od 3 mjeseca, da nije osuđivan za krivično djelo i prekršaj nespojiv s dužnošću u nadzornom odboru, pet godina od dana pravosnažnosti presude, isključujući vrijeme zatvorske kazne,
- dokaz nadležnog organa, ne stariji od 3 mjeseca, da mu nije pravosnažnom presudom suda zabranjeno obavljanje aktivnosti na poziciji na koju se kandiduje.

Kandidati koji uđu u uži izbor, a prije obavljanja intervjua, ispunjavanje uslova pod tačkom A pod rednim brojem od 3 do 7, te B pod rednim brojevima 3, 4 i 5 dokazuju dostavljanjem ovjerene i potpisane posebne izjave. Kandidati koji ne dostave ovu izjavu, neće ići u dalji postupak imenovanja.

Kandidati zaposleni u organima državne službe (državni službenici), koji uđu u uži izbor i budu pozvani na intervju, dužni su priložiti rješenje kojim im je data pismena saglasnost rukovodioca organa državne službe, za obavljanje dopunske djelatnosti.

IV – KRITERIJI ZA VREDNOVANJE KANDIDATA

1. stepen obrazovanja,
2. struka,
3. radno iskustvo,
4. znanje pokazano na intervjuu i
5. učešće u oružanim snagama BiH u ratu 1992-1995. godina.

V – DODATNA POJAŠNJENJA

Javni oglas će biti objavljen u “Službenim novinama FBiH”, dnevnom listu “Oslobođenje”, te na web stranici Grada Srebrenika, a bit će otvoren 14 dana od dana objavljivanja, računajući od dana posljednjeg objavljivanja.

Prijave sa potrebnom dokumentacijom mogu se dostaviti lično putem pisarnice Grada Srebrenika ili preporučenom poštom u zatvorenim kovertama na sljedeću adresu: Grad Srebrenik, Služba za prostorno uređenje i zaštitu okolice, Ul. Ibrahima Salihovića, 75350 Srebrenik (sa naznakom: “Prijava na Javni oglas za izbor Nadzornog odbora JP Vodovod i kanalizacija “SREBRENİK” d.d. Srebrenik – ne otvarati”).

Sve prijave koje stignu u propisanom roku pregledat će Komisija za izbor u regulirane organe imenovana od strane Gradskog vijeća. Komisija poziva na intervju sve kandidate koji su ušli u uži izbor, nakon čega sačinjava rang listu kandidata, koju sa izvještajem o provedenom postupku dostavlja Komisiji za izbor i imenovanja. Na osnovu prijedloga Gradskog vijeća konačan izbor članova Nadzornog odbora ovog Javnog preduzeća vrši Skupština dioničara JP Vodovod i kanalizacija “SREBRENİK” d.d. Srebrenik.

Bilo koji kandidat i zainteresovano lice ima pravo podnijeti prigovor na konačno imenovanje, ako smatra da se u procesu imenovanja nisu ispoštovali principi utvrđeni zakonom.

Prigovor se podnosi Gradskom vijeću, a kopija prigovora se dostavlja Ombudsmenu za ljudska prava BiH.

Neblagovremene i nepotpune prijave neće se razmatrati.

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD SREBRENİK
- Gradonačelnik -

GRADONAČELNIK

Adnan Bjelić

Broj: 07-100-1/26

Datum, 19.01. 2026. godine